



AN COIMISIÚN EORPACH

An Bhruiséil, 19.10.2011
SEC(2011) 1234 leagan deireanach

DOICIMÉAD INMHEÁNACH OIBRE DE CHUID AN CHOIMISIÚIN

Achoimre Feidhmiúcháin ar Mheasúnú Tionchair

a ghabhann leis an doiciméad

RIALACHÁN Ó PHARLAIMINT NA hEORPA AGUS ÓN gCOMHAIRLE

**maidir le treoirlínte do chur chun feidhme tosaíochtaí maidir le bonneagar fuinnimh
Eorpach lena n-aisghairtear Cinneadh Uimh. 1364/2006/CE**

{COIM(2011) 658 leagan deireanach}
{SEC(2011) 1233 leagan deireanach}

Sainiú na faidhbe

Sa Teachtaireacht ón gCoimisiún ar thosaíochtaí maidir le bonneagar fuinnimh don bhliain 2020 agus ina dhiaidh sin¹, dearbhaíodh an gá le beartas agus creat maoinithe na nGréasán Tras-Eorpach Fuinnimh (GTE-F) a athbhreithniú, sainaithníodh conairí agus réimsí tosaíochta atá le cur chun feidhme faoi 2020 agus moladh modh nua chun tionscadail leasa choitinn (TLCanna) a shainaithint chun na tosaíochtaí sin a chur chun feidhme. Sa mheasúnú tionchair a ghabhann léi aibhsíodh an **t-athrú scála ar líon na n-infheistíochtaí agus na hagaí seachadta a fhágann go bhfuil infheistíochtaí arb é a luach** tuairim is EUR 140 bn i ngréasáin leictreachais a bhfuil tábhacht Eorpach ag baint leo, tuairim is EUR 70 bn i ngréasáin gháis, chomh maith le EUR 2.5 bn do bhonneagar chun CO2 a iompar, le seachadadh faoi 2020. Sainaithníodh inti freisin bacainní maidir le deonú ceadanna.

Tá tuilleadh forbartha déanta ar anailís na faidhbe leis an measúnú tionchair comhlántach seo a ghabhann leis an togra reachtach maidir le bonneagair fuinnimh.

Fadhbanna maidir le nósanna imeachta deonaithe ceadanna agus lucht freasúra phoiblí

Tá siadsan ar na príomhchúiseanna a chuireann bac ar chur chun feidhme tráthúil tionscadal bonneagair fuinnimh, go háirithe sreanga leictreachais lasnairde. **Tá nósanna imeachta riaracháin casta agus neamhéifeachtúil**, go háirithe maidir le nósanna imeachta agus inniúlachtaí na bpáirtithe rannpháirteacha a eagrú, tá siad fós ilroinnte agus tá spriocamanna soiléire agus pleanáil láithreach agus comhordú cur chun feidhme reachtaíocht chomhshaoil an AE² in easnamh orthu. Baineann **cur i gcoinne an phobail atá thíos leis** leis an easpa soiléire maidir le breisluach tionscadail, tionchair réadacha nó mheabhairbhraite ar an gcomhshaol agus ar an tírdhreach, ceisteanna maidir le sláinte agus sábháilteacht, rannpháirteachas déanach nó neamhdhóthanach an phobail agus na ngeallsealbhoirí.

Fadhbanna a bhaineann leis an gcreat rialála

Níl an creat atá ann cheana dírithe ar na tosaíochtaí sainaitheanta maidir le bonneagar Eorpach a sheachadadh. Tá socrú taraifí agus dreasachtaí rialála dírithe fós ar leibhéal náisiúnta ar chost-éifeachtúlacht ghearrthéarmach gan dúshlán fadtéarmach comhfhreagrach Eoraip 2020 maidir le hinfheistíocht a chur san áireamh. Déantar príomhchinnntí maidir le tionscadail trasteorann ar bhonn tosaíochtaí náisiúnta amháin. Is fadhb é, go háirithe, i gcás ina bhfuil sochair agus costais neamhshiméadrach i measc na mBallstát a bhfuil formheasa infheistíochta trasteorann acu rud as a thig próisis chasta nó mhoillithe.

Fadhbanna maidir le maoiniú

I bhfianaise an athraithe scála ar líon na n-infheistíochtaí agus gur ábhar práinne é na tosaíochtaí maidir le bonneagar fuinnimh a sheachadadh go dtí 2020, tá dúshlán mhaoinithe shuntasacha roimh oibreoirí gréasáin. I ngeall ar an ngéarchéim airgeadais tá srianta ar chuideachtaí caipiteal fiachais a chruinniú ar théarmacha fabhracha, fad is atá na rioscaí a bhfuil tíortha ag tabhairt aghaidhe orthu ag méadú, rud is cúis le rátaí creidmheasa a bheith ag laghdú. I ngeall ar struchtúir reatha rialála nó úinéireachta tá sé deacair do OCTanna (Oibreoirí Córais Tarchurtha) infheisteoirí institiúideacha nua a mhealladh go héifeachtach. Ar leibhéal an AE, níl an clár GTE-F atá ann cheana ina bhfuil fócas teoranta ar dheontais do

¹ COIM/2010/0677

² Teoracha 2001/42/CE, 85/337/CEE, 92/43/CEE, 2009/147/CE, 2000/60/CE

staidéir indéantachta agus ina bhfuil easpa ionstraimí leordhóthanacha maolaithe riosca, níl sé oiriúnach chun rochtain ar mhaoiniú fiachais/cothromais a éascú ná chun infheistíocht phoiblí agus phríobháideach a ghíaráil i mbonneagair fuinnimh don todhchaí.

2) Anailís ar choimhdeacht agus ar bhreisluach AE

Tá inniúlacht an AE i réimse an fhuinnimh coisricthe sa Chonradh ar Fheidhmiú an Aontais Eorpaigh (CFAE), go háirithe in Airteagal 194 maidir le fuinneamh. Tá bonneagair fuinnimh cumhdaithe faoi Airteagal 170 agus Airteagal 171 den CFAE. Maidir le deonú ceadanna, ordaítear in Airteagal 171-2 den CFAE go *'ndéanfaidh na Ballstáit comhordú eatarthu féin, i gcuibhreann leis an gCoimisiún, ar bheartais a shaothrófar ar leibhéal náisiúnta a bhféadfaidh éifeacht shonraíoch a bheith acu ar ghnóthú na gcuspóirí dá dtagraítear in Airteagal 170'*. Thairis sin, in Airteagal 194-2 den CFAE ceadáítear don AE na bearta is gá a bhunú chun idirnascadh gréasán fuinnimh a chur chun cinn.

3) Cuspóirí thionscnamh an AE

Is é cuspóir ginearálta an tionscnaimh seo forbairt leordhóthanach agus thráthúil na mbonneagar fuinnimh ar fud an AE agus ina chomharsanacht a áirithiú ionas go gcomhlíonfar cuspóirí an AE maidir le beartas fuinnimh i ndáil le comhtháthú margaidh, slándáil soláthair agus inbhuanaitheacht. Díritear go sonrach leis an dtionscnamh ar chonairí tosaíochta an bhonneagair thras-Eorpaigh fuinnimh a chur chun feidhme faoi 2020 trí:

- nósanna imeachta chun ceadanna a dheonú a chuíchóiriú chun fad tréimhse na nósanna imeachta le haghaidh tionscadal leasa choitinn a laghdú go suntasach agus rannpháirteachas poiblí agus glacadh poiblí maidir le cur chun feidhme tionscadal den sórt sin a mhéadú;
- chóir rialála na dtionscadal leasa choitinn sa leictreachas agus sa ghás a éascú trí chostais a leithdháileadh ag brath ar na sochair a bhaineann leo agus trína áirithiú go bhfuil fáiltais cheadaithe i gcomhréir leis na rioscaí arna n-iompar;
- rialacha incháilitheachta a sholáthar maidir le cabhair airgeadais ón Aontas i bhfoirm tacaíochta airgeadais atá margadh-bhunaithe agus díreach ón AE do thionscadail leasa choitinn.

Cuirfear an tionscnamh in ionad na dtreoirilínte atá ann cheana de chuid GTE-F agus comhlántar leis an togra le haghaidh Rialacháin lena mbunaítear an 'tSaoráid um Chónascadh na hEorpa' (SCE) lena gcumhdaítear na hearnálacha bonneagair uile (fuinneamh, iompar, teileachumarsáid) agus lena leagtar amach comhriallacha maidir le cabhair ón Aontas a dheonú i bhfoirm deontas agus ionstraimí nua airgeadais araon.

Roghanna beartais

Pléitear na roghanna beartais seo a leanas don trí réimse beartais a chumhdaíonn na fadhbanna a shainaithnítear:

Réimse beartais A: Deonú ceadanna, rannpháirteachas geallsealbhóirí agus cúiteamh		
Rogha A.0	An scéal a fhágáil mar atá	
Rogha A.1	Córas leasa choitinn Eorpaigh a bhunú	
Rogha A.2	Tréimhse an phróisis deonaithe ceadanna a eagrú agus a theorannú	
	Eilimint A.2.1: An próiseas deonaithe ceadanna a eagrú	
	Forogha A.2.1.a	An Príomhúdarás gan cumhacht cinnteoireachta aige ar leibhéal náisiúnta ('ionad uileghnó éadrom')

	A.2.1.b	An Príomhúdarás a bhfuil cumhacht cinnteoireachta aige ('ionad uileghnó iomlán')
	A.2.1.c	Príomhúdarás trasteorann a bhfuil Údarás Eorpach na Rogha Deireanaí agus nós imeachta deonaithe ceadanna Eorpach aige
	Eilimint A.2.2: Tréimhse an phróisis deonaithe ceadanna a theorannú	
	A.2.2.a	Ceanglas ar Bhallstáit maidir le teorainneacha ama a bhunú do gach TLC (Tionscadal Leasa Choitinn) ar leith
	A.2.2.b	Teorainneacha ama atá ceangailteach ó thaobh dlí arna mbunú ag geallsealbhóirí faoi chuimsiú an chomhair réigiúnaigh
	A.2.2.c	Teorainn ama atá ceangailteach ó thaobh dlí arna bunú ag an ngníomh reachtach de chuid an AE
Rogha A.3	Córas Leasa Choitinn Eorpaigh a bhunú agus tréimhse an phróisis deonaithe ceadanna a eagrú agus a theorannú	
Réimse beartais B: Rialáil		
Rogha B.0	An scéal a fhágáil mar atá	
Rogha B.1	Leithdháileadh costas	
	B.1.a	Taraif tarchurtha an AE
	B.1.b	Leithdháileadh costas ex-ante
	B.1.c	Leithdháileadh costas ex-ante in éineacht le coigeartú ex-post
Rogha B.2	Dreasachtaí infheistíochta	
	B.2.a	Dreasachtaí a bhaineann le riosca do TLCanna
	B.2.b	Gníomhaíocht phionós agus fhorghníomhaithe do TLCanna
Rogha B.3	Leithdháileadh costas ex-ante agus dreasachtaí a bhaineann le riosca do TLCanna	
Réimse beartais C: Maoiniú		
Rogha C.0	An scéal a fhágáil mar atá	
Rogha C.1	Ionstraimí roinnte riosca	
Rogha C.2	Ionstraimí caipitil riosca	
Rogha C.3	Tacaíocht deontais do thógáil tionscadal	
Rogha C.4	Meascán de dheontais, ionstraimí roinnte riosca agus ionstraimí caipitil riosca.	

Tar éis réamhanailís a dhéanamh, cuireadh foroghanna A.2.1.a, A.2.1.c, A.2.2.a, A.2.2.b agus B.1.a i leataobh toisc gur measadh go raibh na bearta gaolmhara neamhéifeachtach nó ar neamhréir i gcomparáid lena dtionchar.

5) Measúnú tionchar

Faoi '**an scéal a fhágáil mar atá (BAU)**' leanfar de mhoillithe seasmhacha ar thionscadail nua bhonneagair, go háirithe sa leictreachas, i ngeall ar na fadhbanna a bhaineann le maoiniú, rialáil agus deonú ceadanna. Ní dhíreodh na hoibreoirí margaidh agus na Ballstáit go leordhóthanach ar thosaíochtaí Eorpacha. Measann an Coimisiún nach ndéanfar sciar suntasach den **infheistíocht is gá de thuairim is EUR 200 bn go dtí 2020 a sheachadadh** in am faoin gcreat atá ann cheana, rud a chuireann cumas an AE a chuspóirí beartais maidir le fuinneamh agus leis an aeráid a bhaint amach faoi 2020 i mbaol. I ngeall ar easpa idirnasca laghdófar deiseanna maidir le hoptamú córais, méadófar an riosca suaite agus spreagfar infheistíochtaí costasacha breise chun comhardú agus cúltaca a ghiniúint. Ag glacadh leis nach ndéanfaidh siad ach leanúint ar aghaidh mar atá, ní bheadh GTE-F ná cistí eile de chuid an AE in ann tionchar suntasach a imirt ar an dúshlán infheistíochta.

5.1. Deonú ceadanna

ROGHA A.1: Córas leasa choitinn Eorpaigh a bhunú

Táthar ag súil le héifeachtaí idirmheánacha dearfacha ón rogha seo trí rannchuidiú le seachadadh tráthúil níos mó tionscadal ná mar a dhéanfaí faoi BAU. D'fhéadfadh sé difear a dhéanamh do shaoránaigh tríd an deis theoranta maidir leis an ngá atá le tionscadal a thabhairt faoi cheist sna nósanna imeachta deonaithe ceadanna. Níltear ag súil go méadóidh na tionchair ar an gcomhshaol faoin gcóras nua vis-à-vis an córas reatha, i bhfianaise na toimhde go dtabharfar tionscadail chun críche níos luaithe. Ach tionscadail a sheachadadh go rathúil táthar ag súil le tionchar dearfach láidir ar chuspóirí maidir leis an aeráid. Méadófar muinín na n-infheisteoirí agus rannchuideofar go mór le inmharthaineacht na dtionscadal. Maidir le costais riaracháin, meastar gurb é an laghdú acmhainní is gá chun líon áirithe tionscadal a phróiseáil tuairim is 3 % ar thaobh an tionscnóra, agus 12 % ar thaobh na n-údarás.

ROGHA A.2: Rialacha maidir le heagrú agus maidir le fad tréimhse an phróisis deonaithe ceadanna, (foroghanna A.2.1b 'ionad uileghnó iomlán' agus A.2.2c 'teorainn ama 4 bliana')

Táthar ag súil le tionchar láidir dearfach ón rogha seo, lena bhféadfar tromlach mór na dtionscadal a sheachadadh in am. Bheadh an líon tionscadal a chuirfí i gcrích in am níos airde ná i gcás rogha A.1, ach ní thabharfaí an tosaíocht do gach TLC. Leis an rogha sin d'fheabhsófaí dálaí do shaoránaigh chun a bheith rannpháirteach sa phróiseas cinnteoireachta toisc go gcaithfeadh an Príomhúdarás agus/nó tionscnóirí comhairliúchán luath a áirithiú. Bheadh na costais chomhlíonta níos airde ná faoi rogha A.1. Táthar ag súil freisin le tionchair dhearfacha ar chostais riaracháin a bheith níos suntasaí faoin rogha beartais seo, ina mbeidh coigiltis 26 % ar chostais riaracháin.

ROGHA A.3 Córas leasa choitinn Eorpaigh a bhunú agus rialacha maidir le heagrú agus fad tréimhse an phróisis deonaithe ceadanna

Meastar gurb é tionchar foriomlán na rogha beartais seo, ina measctar tionchair roghanna A.1 agus A.2, an tionchar is dearfaí i measc thionchair na roghanna ar fad, toisc go dtabharfaí beagnach gach ceann de na tionscadail riachtanacha uile i gcrích in am faoi 2020 mar thoradh ar an rogha beartais sin, ar choinníoll go bhfuil bearta cuí maidir le rialáil agus maidir le maoiniú i bhfeidhm. Táthar ag súil go mbeidh tionchair chomhshaoil, tionchair shóisialta ar fhostaíocht agus tionchair eacnamaíocha ar OTI níos láidre faoin rogha beartais seo toisc go mbeadh na tionscadail ar fad curtha i gcrích, agus bheadh coigiltis 31 % ar chostais riaracháin.

De thoradh na hanailíse seo, is í rogha beartais A.3 rogha na tosaíochta.

4.2. Bearta rialála

ROGHA B.1: Leithdháileadh costas

Trí leithdháileadh costas ex-ante d'fhéadfaí infheistíochtaí áirithe a dhéanamh, nárbh fhéidir aon roinnt costas inmharthanach a dhéanamh ina leith faoin BAU le tionchair leithdháilte agus shóisialta ar rannpháirtithe sa mhargadh agus ar thomhaltóirí deiridh. Táthar ag súil le

tionchair riaracháin teoranta agus beidh ceanglas ann do na ÚRNanna (údaráis rialála náisiúnta) comhoibriú le daoine eile agus le OCTanna ó Bhallstáit éagsúla.

Ní bheadh difríocht i dtionchair ***leithdháilte costas ex-ante a bhfuil an bhféidearthacht coigeartaithe ex-post iontu*** ach amháin sna tionchair eacnamaíocha agus leithdháilte deiridh. Cé go mbeadh an leithdháileadh níos beaichte dá bharr, chruthófaí riosca ioncaim ar an taobh thíos do OCTanna agus d'infheisteoirí seachtracha. Tríd an gcur chun feidhme d'fhéadfaí costais bhreise riaracháin a spreagadh, toisc go bhféadfadh sé go mbeadh ar OCTanna agus ÚRNanna sochair a athmheasúnú agus leithdháileadh costas a athchaibidlíú.

Dá thoradh sin, is í forogha B.1.b forogha na tosaíochta

ROGHA B.2: Dreasachtaí infheistíochta

Trí dhreasachtaí do TLCanna a bhfuil rioscaí níos airde ag gabháil leo, chruthófaí tionchar eacnamaíoch dearfach do sheachadadh bonneagair trí na dúshlán a bhaineann le hinfheistíochtaí áirithe a aithint. Bheadh tionchar airgeadais an tsuimitheora sin ar tharaifí gréasáin an-teoranta fós, i bhfianaise an méid íseal infheistíochtaí incháilithe a bhfuiltear ag súil leis, an tionchar riaracháin teoranta agus cion íseal fhoriomlán na gcostas tarchurtha sna praghsanna fuinnimh deiridh.

Trí ***phionóis agus ghníomhaíocht fhorghníomhaithe do TLCanna*** trí iallach a chur ar OCTanna tionscadail tosaíochta chomhaontaithe a sheachadadh, d'fhéadfaí leas sóisialta ar leibhéal an AE a mhéadú. I ngeall ar na bearta sin níorbh fholáir cumhachtaí nua a thabhairt do ÚRNanna. D'fhéadfadh sé go gcuirfeadh OCTanna go láidir i gcoinne na mbeart, toisc go bhféadfadh an tionchar eacnamaíoch a bheith diúltach, i ngeall ar ioncam laghdaithe trí na pionóis i gcás neamhsheachadta, nó toisc go gcruthófaí rioscaí breise nach mbeadh clúdaithe i ngeall ar an oibleagáid an tionscadal a sheachadadh. Is léir go bhfuil breislúach teoranta ag a leithéid de scéim éigeantach i gcomparáid le scéim atá bunaithe ar dhreasachtaí.

Dá thoradh sin, is í forogha B.2.a forogha na tosaíochta.

ROGHA B.3: Leithdháileadh costas ex-ante agus dreasachtaí a bhaineann le riosca do TLCanna

Rogha na tosaíochta a bheadh sa rogha seo, mar go nascaí le chéile tionchair dhearfacha dhá fhorogha na tosaíochta rud lena bhféadfaí an méid is mó TLCanna a chumhdach.

4.2. Maoiniú

ROGHA C.1: Ionstraimí roinnte riosca

Ach ionstraimí roinnte riosca a thabhairt isteach d'fheabhsófaí rochtain ar chaipiteal agus foinsí nua maoinithe agus chaipiteal riosca (e.g. bannaí nó ráthaíochtaí) ar théarmaí níos oiriúnaithe, rud a d'fheabhsódh inmharthanacht tráchtála tionscadal i dtreo cinnidh dhearfaigh infheistíochta. Leis an tacaíocht sin bheadh an costas don bhuiséad poiblí níos lú ná deontais dhíreacha a bhfuil éifeacht ard iolraithe acu (suas le 25). Leis an rogha seo éilítear comhar le hinstitiúidí airgeadais, rud a laghdaíonn an t-ualach riaracháin ar an gCoimisiún.

ROGHA C.2: Ionstraimí caipitil riosca

Ach cothromas a sholáthar d'fhéadfaí tionchar an-dearfach a imirt ar an acmhainn airgeadais agus infheisteoirí nua a mhealladh. Trí chuidiú le tionscadail sa chéim luath, chuirfí luas le píblíne na dtionscadal aibí, go háirithe má tá siad níos casta agus níos nuálaí agus má bhaineann siad leis an iliomad geallsealbhóirí. D'fhéadfaí a bheith ag súil le leibhéal ard gearála bhuiséad an AE le fachtóir iolraithe idir 1 agus 10. Má dhéantar infheistíochtaí a sheachfhoinsiú chuig institiúid airgeadais, cruthófar riachtanais shubstaintiúla acmhainní laistigh de na hinstiúidí sin.

ROGHA C.3: Tacaíocht deontais do thógáil tionscadal

Trí dheontais chruthófaí mórtionchair eacnamaíocha agus shóisialta, rud a thacódh le TLCanna a sheachadadh nach bhforbrófaí trí fhórsaí margaidh ná trí rialáil amháin, agus mhaolófaí tionchar na dtaraifí gréasáin ag an am céanna. Dhíreofaí an idirghabháil deontais ar na TLCanna atá thar a bheith rithabhachtach chun cuspóirí beartais fuinnimh agus aeráide 2020 agus an margadh inmheánach agus slándáil sholáthar an Aontais a bhaint amach. Beidh an tionchar riaracháin comhghaolaithe go díreach le líon na dtionscadal agus le buiséad an AE atá ar fáil chun tacú leo.

ROGHA C.4: Meascán de dheontais, ionstraimí roinnte riosca agus ionstraimí caipitil riosca

Ós rud é go gcomhcheanglaítear roghanna C.1, C.2 agus C.3 sa rogha seo, dhéanfaí tionchair dhearfacha na roghanna aonair a charnadh leis. Tiocfaidh sineirgíochtaí agus gnóthachain éifeachtúlachta freisin as boscaí uirlisí d'ionstraimí margadh-bhunaithe (C.1 agus C.2) agus tacaíocht dhíreach airgeadais (C.3) a sholáthar, toisc go bhféadfar an réiteach is cost-éifeachtaí a sholáthar go solúbtha i gcás rioscaí sonracha tionscadail.

Dá thoradh sin, is í rogha C.4. rogha na tosaíochta. Léirítear inti na tograí maidir le buiséad an AE sa todhchaí, tograí a rinne an Coimisiún Eorpach é an 29 Meitheamh 2011 agus léirítear go hiomlán inti an tSaoráid um Chónascadh na hEorpa atá beartaithe.

6) Na roghanna a chur i gcomparáid agus conclúidí deiridh an mheasúnaithe tionchair

De thoradh na hanailíse, tá **sraith roghanna is fearr** curtha i láthair sa mheasúnú tionchair: 1) córas leasa choitinn Eorpaigh a bhunú, aonad uileghnó iomlán agus teorainn ama 4 bliana do thionscadail leasa choitinn; 2) leithdháileadh trasteorann costas ex-ante agus dreasachtaí is sonracha do rioscaí ar leith do TLCanna; agus 3) meascán de dheontais, ionstraimí roinnte riosca agus ionstraimí caipitil riosca. **Níl sé d'acmhainn ag aon cheann acu inti féin na hinfheistíochtaí is gá a sheachadadh** rud a éilíonn comhordú na gníomhaíochta beartais do na roghanna is fearr.

Tríd is tríd, is mó go mór na sochair a bhfuiltear ag súil leo ó na gréasáin thras-Eorpacha a thabhairt chun críche ná na tionchair dhiúltacha ar an gcomhshaol, ar na saoránaigh aonair agus ar na taraifí. Leis seo féadfaidh an AE na spriocanna fuinnimh agus aeráide arna gcomhaontú ar leibhéal an AE a bhaint amach, go háirithe an sciar an fhuinnimh in-athnuaite 20 % agus an laghdú astaíochtaí GCT (gáis cheaptha teasa) 20 % faoi 2020. Trí bhonneagar iomchuí éascófar freisin comhtháthú iomlán an mhargaidh fuinnimh inmheánaigh sa leictreachas agus sa ghás, ar an gcaoi sin cruthófar deiseanna nua maidir le hoptamú agus le

héifeachtúlacht an chórais, iomaíocht agus rogha don tomhaltóir deiridh agus uaidh sin imreofar tionchar foriomlán laghdaithe ar phraghsanna fuinnimh. Beidh ár soláthairtí fuinnimh níos sláine freisin leis an tsraith beart, trí éagsúlú foinsí agus éagsúlú bealaí agus comhpháirteanna a sholáthar agus trí chobhsaíocht an chórais a mhéadú, ach freisin trí shlándáil agus athléimneacht ó thaobh aeráide ár ngréasán a fheabhsú.

Cuideoidh sé seo go léir leis an éifeacht fhoriomlán dhearfach ar OTI agus ar fhostaíocht arna sainathint cheana i measúnú tionchair 2010 (+0.42 % d'fhás agus 410 000 post breise i gcomparáid leis an gcás bunlíne thar an tréimhse 2011-2020).

Sa tábla thíos tá achoimre ar thionchair na roghanna agus na bhforoghanna uile.

Roghanna	Tionchair eacnamaíocha agus shóisialta	Tionchair chomhshaoil	Tionchair eile
A.1	+	=	Indéantacht dhlíthiúil: -
A.2	++	+	Indéantacht dhlíthiúil: -
A.3	+++	++	Indéantacht dhlíthiúil: -
B.1	++	+	Riaracháin: -
B.2	++	+	Tionchar ar tharaifí -
B.3	+++	++	Tionchar riaracháin agus ar tharaifí: -
C.1	+++	+	
C.2	++	+	Riaracháin: -
C.3	+++	++	Riaracháin: -
C.4	+++	++	Riaracháin: - Taraifí: +
A.3 & B.3 & C.4	+++	+++	Dlíthiúil, riaracháin: - Taraifí: +

Achoimre ar na tionchair (=comhionann leis an mbunlíne; + go +++ feabhas i gcomparáid leis an mbunlíne; - go --- níos measa i gcomparáid leis an mbunlíne)